

Paras laut dijangka naik lebih dua meter

KUALA LUMPUR – Fenomena air pasang besar yang melanda beberapa negeri di Pantai Timur Semenanjung dijangka berlanjutan sehingga pertengahan bulan depan.

Jurucakap Jabatan Pengairan dan Saliran Negeri Kelantan berkata, fenomena tersebut didorong oleh faktor tiupan angin Monsun Timur Laut yang dikaitkan dengan musim

tengkujuh.

“Hujan lebat dan tiupan angin kencang menjadikan fenomena air pasang di negeri tersebut menjadi bertambah buruk.

“Dalam keadaan ekstrem, paras laut dijangka naik 2.2 meter,” katanya ketika dihubungi di sini semalam.

Dalam pada itu, Jabatan Meteorologi Malaysia sama-

lam mengeluarkan amaran angin kencang Timur Laut dengan kelajuan 60 kilometer sejam dan ketinggian ombak pula dianggarkan melebihi 5.5 meter.

Fenomena itu yang didorong air pasang besar dijangka berlaku di kawasan perairan Kelantan, Terengganu, Pahang, Johor Timur, Sarawak dan Sabah sehingga esok.

Selain itu, kawasan pantai di Pantai Timur Semenanjung Malaysia terdedah kepada kejadian kenaikan paras air laut. Keadaan ini dijangka berterusan sehingga 29 Disember 2011.

Keadaan angin kencang dan laut bergelora ini berbahaya kepada semua aktiviti pantai dan perkapalan termasuk pekerja di pelantar minyak.